



Krizni štab Ministarstva zdravstva Zeničko-dobojskog kantona

Krizni štab Ministarstva zdravstva Zeničko-dobojskog kantona, u skladu sa članom 9. stav 1. alineja 3. Pravilnika o organizaciji i načinu rada kriznog štaba Federalnog Ministarstva zdravstva („Sl. novine FBiH“, broj: 10/12), članom 14. Poslovnika o radu kriznog štaba Ministarstva zdravstva Zeničko-dobojskog kantona broj: 11-33-1335-19/20 od 11.03.2020. godine i tačkom XI Naredbi Kriznog štaba Federalnog ministarstva zdravstva, koje su usvojene Zaključkom Vlade Federacije Bosne i Hercegovine V. broj: 1265/2021 od 11.08.2021. godine, na sjednici održanoj dana 24.08.2021. godine donosi:

**O D L U K U**

1. Dozvoljava se Nogometnom/fudbalskom savezu Bosne i Hercegovine organizovanje prijateljske utakmice fudbalskih A selekcija Bosna i Hercegovina - Kuvajt koja će se odražati dana 04.09.2021. godine i kvalifikacione utakmice Bosna i Hercegovina - Kazahstan koja će se odražati dana 07.09.2021. godine, u Zenici na stadionu Bilino polje, sa početkom u 20<sup>45</sup> sati, uz prisustvo 6000 gledalaca. Poštovanje higijensko-epidemioloških mjera.
2. Obavezuje se organizator profesionalnog sportskog natjecanja iz tačke 1. ove Odluke, da osigura da gledaoci prilikom ulaska na stadion posjeduju:
  - negativan antigenski ili PCR test ne stariji od 48 sati ili
  - potvrdu o prebolovanom COVID 19, ne stariju od 6 mjeseci ili
  - potvrdu o završenoj vakcinaciji.
3. Obavezuje se organizator profesionalnog sportskog natjecanja iz tačke 1. ove Odluke, da osigura sljedeće higijensko-epidemiološke mjere:
  - prilikom ulaska i izlaska gledalaca sa stadiona potrebno je osigurati organizirani ulazak, uz poštovanje higijensko-epidemioloških mjera kao što su nošenje maski i držanje razmaka, za što su zaduženi COVID redari.
  - da svi prisutni gledaoci na tribinama moraju pravilno nositi maske i ne smiju posjedovati navijačke rekvizite.
4. Obavezuje se organizator profesionalnog sportskog natjecanja iz tačke 1. ove Odluke, da provede sve higijensko-epidemiološke mjere u skladu sa mišljenjem Instituta za zdravlje i sigurnost hrane Zenica broj: 02-2478-3/21 od 23.08.2021. godine.
5. Za provođenje epidemioloških mjera i organizaciju sportskog natjecanja iz tačke 1. ove Odluke odgovoran je organizator iz tačke 1. ove Odluke.